

# MEMOIE DE MÆ NONNA

*di Maria Terrile Vietz*

Retaggio de na vitta a servizio.

Un episodio ch'ò porriæ paî 'na barzelletta, molto sintetico e molto esplicativo.

Staggio torna parlando de mæ nonna Clorinda, de seu peregrinazioin da 'na casa a l'âtra e de seu esperienze.

No sò de che anno fûse, ma l'ëa alloa a servizio comme camëa in casa de Teresita Garibaldi ch'a l'aveiva sposou o generale Canzio.

Stavan de casa in via Assarotti e aveivan comme ospiti ciù o meno fissi i dui fræ de Teresita, Ricciotti e Menotti.

A l'ëa 'na casa dove gh'ëa sempre un gran da fâ, con trei ommi, a scignoa che no ghe ne andava mai ben unn-a, o scito ch'ò l'ëa notevolmente grande; insomma s'ëa sempre in sce na lamma de cotello.

Un giorno, l'ëa l'öa do pranzo, töa missa, tutti a posto, quando o Generale o ciamma mæ nonna ch'a l'aveiva zà a suppea in man, e o ghe dixè: "Clorinda, andæ in cuxinn-a e dighe a-o cheugo che 'sto tondo o l'è succido".

Mæ nonna, senza manco parpellâ, ha la piggiou o piâto e a l'è andæta in cuxinn-a a fâ l'ambasciata a-o cheugo o quæ, o s'è fæto vegnî e fotte e, piggiou o tondo in te man, o g'ha spuo dreto; poi con molta energia o l'ha frettou co 'na piccaggetta netta, finché o luxiva.

"Porteghelo" o g'ha ordinou.

Sta povea donna a no saveiva che pesci piggiâ, a tremava da-a puja e a stava ferma in sce-a porta senza azzardase a tornâ in sala.



*Stefano Canzio con la moglie Teresita Garibaldi*

"Andæ!" o ghe ordina brusco. E le ... a va.

Intrâ in sala, co-i euggi bassi, a porze o tondo a-o Generale o quæ o l'amia e poi sodisfæto o dixè "öa se peu mangiâ".

*e parolle do gatto di elena pongiglione*

